



CONCELLO DE MUXÍA

Teléfonos: 981.74 21 17 - 25 28 - 20 01 Fax: 981.742298

Rúa Real nº 35 Código Postal: 15124 (A Coruña)

Web: www.concellomuxia.com

CONVENIO DE COLABORACION ENTRE O CONCELLO DE MUXIA E A A.C MULLERES ENCAIXEIRAS DE MUXÍA

En Muxía, a data da sinatura electrónica.

REÚNENSE

Dunha parte, D. Javier Sar Romero , maior de idade con DNI 32798195B en calidade de Alcalde do Concello de Muxía, que actúa na representación deste que legalmente lle corresponde, e doutra parte D. María Domínguez Ventín con DNI [REDACTED] , Presidenta da A.C. DE Mulleres Encaixeiras de Muxía con CIF G70239900, e enderezo en [REDACTED] , Muxía , actuando en representación da mesma.

Ambas partes se recoñecen mutuamente capacidade para obrigarse na representación que ostentan e, polo tanto, para o outorgamento do presente convenio de colaboración e

MANIFESTAN

1º Que o Concello de Muxía ten, como Administración pública, dentro dos seus obxectivos a conservación e promoción da cultura e tradicións populares.

2º Que o Concello de Muxía tamén ten coma un dos seus principais obxectivos fomentar o asociacionismo e toda actividade que redunde en beneficio da calidade de vida da veciñanza así como das condicións de traballo da nosa poboación.

3º Que a A.C. Encaixeiras de Muxía é unha asociación sen ánimo de lucro que ten entre os seus fins a promoción do oficio do encaixe, dando a coñecer o encaixe de bolillos de Muxia a todo o publico, mediante o seu traballo de todo o ano e a participación en feiras e expoisicions dentro e fora do municipio de Muxia.

4º Que as axudas económicas e subvencións forman parte da actividade de fomento que a Administración Local pode facer coa finalidade de promover e apoiar actividades de interese público que cooperen satisfacción das necesidades e intereses da comunidade veciñal.

5º Que dada a coincidencia en finalidades de Concello e Asociación, subscríbese o presente convenio de colaboración con arranxo ás seguintes:



CONCELLO DE MUXÍA

Teléfonos: 981.74 21 17 - 25 28 - 20 01 Fax: 981.742298

Rúa Real nº 35 Código Postal: 15124 (A Coruña)

Web: www.concellomuxia.com

CLÁUSULAS

Primeira.- O presente convenio formalízase co obxecto da adquisición de material necesario para o denserolo e promoción da actividade da elaboración do encaixe de bolillos durante o ano 2025.

Segunda.- A Asociación comprométese a dar publicidade á colaboración do Concello de Muxía en cartelería, folletos, e publicidade en xeral editados con ocasión do desenvolvemento das actividades obxecto do presente convenio. Na publicidade deberá figurar o logotipo de identificación do Concello.

Terceira.- A Asociación obrígase ademais a:

- a) A Asociación debe destinar integramente a axuda á finalidade para a que é concedida.
- b) Acreditar mediante certificación da Secretaría da Asociación, co Vº e Prace da Presidencia a existencia o non doutras axudas para a finalidade subvencionada no Convenio.
- c) Nomear un responsable que actuará como interlocutor válido cos servizos municipais.
- d) Asistir a cantas reunións sexan convocadas polo Concello de Muxía facilitando todo tipo de información relativa á actividade que lle sexa requirida por estes.

Cuarta.- O Concello aportará á Asociación a cantidade máxima de 500 €, como axuda dirixida a adquisición de material necesario para a elaboración e promoción do encaixe de bolillos.

Antes de efectuar tal pago, o Concello de Muxía comprobará que a Asociación non ten subvencións pendentes de xustificar ante o Concello nin débedas pendentes co mesmo. Dito pago realizarase mediante transferencia bancaria á conta da que a Asociación acredite ser titular.

Quinta.- A xustificación dos gastos realizarase mediante a presentación da seguinte documentación:

- Memoria xustificativa das actividades realizadas.
- Orzamento de gastos e ingresos, segundo modelo que figura no Anexo I.
- Certificación do secretario/a da entidade co visto e prace do presidente/a que acredite o cumprimento das actividades realizadas e as subvencións obtidas doutros organismos ou entidades para os mesmos conceptos. En caso de que o importe total dos ingresos obtidos sexa superior ao



CONCELLO DE MUXÍA

Teléfonos: 981.74 21 17 - 25 28 - 20 01 Fax: 981.742298

Rúa Real nº 35 Código Postal: 15124 (A Coruña)

Web: www.concellomuxia.com

gasto realizado, o Concello de Muxía reducirá a subvención a outorgar, de xeito tal que o importe total de todos os ingresos obtidos non sexa superior aos gastos realizados. O modelo de certificación figura no Anexo II.

- Facturas orixinais dos gastos. As facturas presentadas deberán axustarse á normativa vixente. As facturas que se presenten deberán axustarse ás actividades para as que se solicitaba a subvención, e que deberán constar en todo caso na memoria descritiva da actividade. No caso de pago de minutas a profesionais, acreditarase ademais o ter practicado a oportuna retención por IRPF. Unha vez presentadas as facturas serán cuñadas para indicar que son utilizadas para a xustificación deste convenio, compulsaranse e as orixinais serán devoltas á Asociación.
- Certificación bancaria da conta corrente na que desexe a asociación que se lle ingrese o importe da subvención.
- Certificados de atoparse ao corrente das súas obrigas tributarias, coa Seguridade Social, coa Axencia Tributaria, coa Xunta de Galicia e coa facenda municipal, e de que non está incurso en causa algunha de incompatibilidade ou prohibición das mencionadas no artigo 13 da Lei 38/2003, Xeral de Subvencións.

Sexta.- Son gastos subvencionables aqueles que de maneira indubidable respondan á natureza da actividade subvencionada e se realicen no prazo de execución establecido no presente convenio. A estes efectos só se poderán subvencionar os seguintes gastos:

- Material para a elaboración e promoción do encaixe: fios, alfileres, palillos e bolsas de asa.

Sétima.- No caso de que non se xustifique a totalidade dos gastos, minorarase a aportación do Concello, de xeito tal que o importe da subvención entregada polo Concello non superará o importe dos gastos totais xustificadas, e tendo tamén en conta a posibilidade de que existan outras subvencións que financien os mesmos gastos, en cuxo caso o importe total da subvención do Concello máis o importe das outras subvencións obtidas non superará o importe total dos gastos xustificadas.

Oitava.- A Asociación disporá dunha póliza de responsabilidade civil, sendo a tomadora a asociación. Xunto cun seguro de accidentes que garante a atención médica primaria e hospitalaria dos usuarios das actividades da entidade obxecto deste convenio. Tanto a póliza de responsabilidade civil coma a de accidentes, manterán a súa vixencia e actualización económica polo tempo de duración do presente



CONCELLO DE MUXÍA

Teléfonos: 981.74 21 17 - 25 28 - 20 01 Fax: 981.742298

Rúa Real nº 35 Código Postal: 15124 (A Coruña)

Web: www.concellomuxia.com

convenio.

Novena.- O prazo de vixencia deste convenio será dende a data da súa sinatura ata o 31 de decembro de 2025, pero en todo caso os gastos presentados como xustificantes da subvención concedida poderán terse realizado durante todo o ano 2025, debendo as facturas ter data de 2025.

Unha vez realizada a actividade subvencionada, o beneficiario deberá presentar a conta xustificativa antes do día 15 de decembro de 2025.

Décima.- O presente convenio ten natureza administrativa e a xurisdición contencioso-administrativa será a competente para o coñecemento das posibles cuestións litixiosas que puidesen xurdir.

Corresponderá ao Alcalde-Presidente do Concello de Muxía a interpretación, modificación e resolución do convenio.

Para todo o non previsto neste convenio será de aplicación o disposto na Lei 38/2003, Xeral de Subvencións, e no seu Regulamento.

O presente convenio obriga ao cumprimento do expresamente pactado, someténdose ámbalas dúas partes ao acordado en tódalas cláusulas, estendéndose no lugar e data sinalados.

Polo Concello de Muxía Firmado por ***9819** FRANCISCO JAVIER SAR (R: ****5300*) el día 31/10/2025 con un certificado emitido por AC Representación. Asdo./ Javier Sar Romero	Por A.C. MULLERES ENCAIXEIRAS DE MUXÍA DOMINGUEZ VENTIN MARIA - Firmado digitalmente por DOMINGUEZ VENTIN MARIA - Fecha: 2025.10.29 16:54:38 +01'00' Asdo./ María Domínguez Ventín
--	--